

# استدینا

نومرو ۲۰

پنجشنبه

۲۸ کانون ثانی ۱۳۲۴

وضعندن صرف نظر اولنور دینله جك اولور ایسه شمدي به قدر سائر ممالك عثمانیه مأمورینك معاملات عرفیه سی تقیید و اداره محلیه یی تنظیم مقصد خیر مرصیده نشر بیورلمقده و کوندن کونه احتیاجات زمانیه کوره تعدیل و اكمال ایدلمکده اولان بونجه نظاماتك تأثیرات حسنه سندن اهالی سی متصرفك افاده سنجه بشیوز بیک نفوسه بالغ اولان واحوال محلیه به واقف اولان بعض کیمسه لرك روایتنجه بو مقداری يك چوق تجاوز ایدن و اهمیت و نزاکت موقعیه سی و ثروت محلیه سی معلوم اولان جبل لبنان کبی بر قطعه مهمه یی محروم بر افاق دیعك اوله جفتدن ماعدا نظام سزلق حالنك دوامندن بر طاقم اویمونسز لقلرك تولدی ملحوظ اولغله و بو خصوصاتك صورت حسن تسویه سی حقنده رأی مصیب ویره بیلیمك معلومات محلیه عمیقیه متوقف بولمغله امور دیده و قانون اشنا ایکی اوج ذاندن مرکب بر قومیسونك تشکیلی و محلی ایله مخبره اجرایی ایله جبل لبنانجه موقع اجراییه وضعی لازم ایکن هنوز اجرا اولنماش قوانین و نظاماتك حقوق دولت علیه ایله لوی مذکور نظامنامه مخصوصی احکامنه اصلاخلل کتورلمکسزین موقع اجراییه صورت وضعنك تعینی و شاید تسویه کیفیت مخبره صورتیه قابل اوله مدینی تقدیرده علاقه دار اولان سفارتلرله سوزلشیله رك بر ایکی مأمورك جبل لبنانه اعزامیله تسویه مصلحت ایدلمسی ایلروده ظهوری محتمل اولان بو ایشلره متعانی اوراقك مطالعه سندن حسن اولنان محاذیرك اوکنك آلمسینه خدمت ایده جکی وارد خاطر کترانهم اولمغله اولبابده .

یانقو و یطنوس

### مجلس مبعوثان مذاكراتی

دوائر مرکزیه مأمورین و معاملاتك تنسیق حقنده مبعوثان کرام طرفندن متعدد امضا ایله اعطا اولنان لایحه نظامیه صورتیدر

مدید بر سوء اداره نتیجه سی اوله رق احوال عمومیه دولتك تنظیم و اصلاحی مقتضی اولوب انجیق بو قدر اصلاحاتك آز زمانده فعله کتورلمسی ممکن

اوله میه جغندن اهم و تشبثات و اجرات آتیه به مؤثر اوله حق جهتلرندن باشلا یه رق بر ترتیب منطقی دأره سنده حرکت ایتک ایجاب ایدر بوده مجلسم زک برنجی درجه ده و بلکه اولکی قدر حاز اهمیت اولان هیئت اداره معاملاتیه مأمورینک تنظیم و اصلاح و تنسیق حقنیده کی قانون لایحه لرینی و آندن صکره شعبات اداره به عائد قوانین سائرینی مذاکره و تدقیق ایتسیله حاصل اولور بودجه نك ورودینه انتظاراً تنسیق معاملات و مأمورین کیفیتنده اهمیت و مستعجابی حقنیده اصرار و اشبو لایحه ده سرد و اتیان اولنان اسباب موجبیه بنا بر قطعه نظامنامه مسوده سی تقدیم ایلرز .

معلوم اولدینی اوزره و قتيله اولیای امور آدم قایریمق واقربا و تعلقاتلرینی کیسه ملتدن اقدار و ترفیه ایتک اوزره دوائر دولته بالالزوم بش الی قات فضلّه مأمورلر طولیدر مقلده اکتفا ایتیه رک بر جوق مأموریتلر و سبب و مقصد اولقسزین اداره لر قلملر ، احداث ایتشلردر بو کون هیچ کسه نك نظر دقتندن نهان دکلدرکه مأمورینک کثرتی جریان اموری سکتیه دارایدجک درجه ده در بو قدر مأمورینه ایش بولمق ایچون معاملات رسمیه مجرای قانونیسندن چیقاریلهرق بجز توکنمز مراسم و معاملاتیه تابع طوتلدیغندن بر کونده انتاجی ممکن و سهیل اولان بر مسئله ایچون بلا استثنا دوائر دولتدن هر قنغینه مراجعه ایدن ارباب مصالح استدعایه سنك قلمدن قلمه میزدن میزه ایلرجه کشت گذارایتدیکی حالده بر نتیجه به ایصالنی کوره میهرک دوچار حیرت اولمقده در بو تشوش و تذبذب ایچنده احوال عمومیه دولت قابل اصلاحیمدر ؟ البته دکلدر بز بو کیفیت مهمه نك حکومتجه نظر دفته آله جغنی بحق امید ایدر ایدک حالبوکه کچنده اوقاف ناظری و شورای دولت ریسنك ایضاحات و بیاناتی هیئت وکلانك تنسیق خصوصنده عجز مطلق ایچنده بولندیغنی اثبات ایتشددر . بوندن بشقهر و روح دولته تعلقی اولان بو مسئله کی مجلسک دأره صلاحیتی خارجنده عد ایتک کی غرابشلرده واقع اولمشدر بر قاج دأره نك تنسیقنه باشلانیدینی حالده حاصل اولان نتیجه موجب جرأت اوله میهرق دیگرلرینه تطبیق ایدیله میورمش .

اساساً ، قاعده‌ساز اجرا ایدیلان معامله‌نك عدم موفقیت‌له نتیجه‌لشی طبیعیدر .  
 حال حاضرده تنسیق مأمورین مستثنا بر کیفیت وقوانین و نظامات موجوده‌نك  
 دائرة شمولندن خارج بولندیغندن بوکا دایر بر نظام مخصوص وضعی امریدیهیدر  
 هیئت وكلا تنسیقه قرار ویرمكله برابر یالكز قادرو خارجنده قاله‌حق مأمورینه  
 ویریه‌جك معاشك مقداری تعین ایدرك صورت وشرائط اجرایی بویه  
 بر نظامه ربط ایتماش رؤسای اقلامك تقدیرینه حواله ایتمشدر . حالوبه  
 دواژده‌کی ارباب امورك وعنصر فعال اولان کتبه‌نك معانی لاشی حکمنده  
 اولوب تنسیقندن معاش و عنوان مأموریتك تنزیلی جهته‌متأثر اوله‌حق رؤسا  
 وهر قلمده عددی غیر محدود برالای ضابطان اقلام اولدیغندن بونلری کندی  
 حقارنده اعطای حکمه دعوت ایتمك حسیات واحترافات انسانیه‌دن وعدالت  
 بشریه‌نك هنوز بودرجه کماله واصل اولمیدیغندن تغافل ایتمكدر . ایشته بویه  
 کیفی جریان ایدن معامله اصل مقصدی تأمین ایدمه‌دیکی کی شکایتك ارتسمانی  
 موجب اولمشدر بونك بر نتیجه سالمه‌یه ربطی منتظم و شایان امنیت بر هیئت  
 اداره‌نك تشکلی موجب اوله‌جفی کی بودجه‌نك تدقیقاتی‌ده تسهیل ایدم‌جکدر  
 چونکه بودجه ایله مجلسه یوزلرجه شکایتنامه کله‌جکدر بونلری یکان یکان تدقیق  
 ایله آیلرله اشغال ایدیه‌جك بونکله برابر ایشك ایچندن چیقله‌میه‌جقدر .  
 بالعموم دواژ مرکزیه‌ده تنسیقانك صورت معارده‌ده اجرایی بیطرف  
 ارباب وقوفه تودیع ایداش اولاق اوزره هر نظارتده ناظر ویا مستشارك تحت  
 نظارتنده ارکان نظارتدن منتخب معتمد برایکی ذات ایله شورای دولتن ایکی  
 و دیوان محاسبانندن بر اعضا انتخابیه بر قومیسون تشکیل ایدملیدر . بوقومیسون  
 اول امرده اونظارتك شعبات مختلفه‌نك ماهیت معاملاتی تدقیق ومعاملاتك جریانی  
 حال حاضرده‌کی مراسم بهوده‌دن آزاده قیلهرق بونی بر نظامنامه داخلی ایله  
 تعیین ووظائفی بر برینك عبی اولان اقلامی توحید بسبتون لزومسز اولانلری لغو  
 ایتملیدر هر دائرة بویه بر چوق دواژ واقلام واردر مثلاً صدارت مکتوبی  
 قلمندن بشقه برده آمدی دیوان هابون قلمی واردرکه یکانه وظیفه‌سی محتاج

عرض واستیذان اولان مضابط و تذکره لک زیرینه بر سطر اوق بر ذیلی یازمقدن عبارتدر مستخدمین موجوده سی ایشانی بیک، ایکی بیک فروش معاشلی یکر می، اوتوزه بالغ اولور خارجیه نظارتنده مختلف نام و عنوانلرله ایکی اوج عدد مکتوبی و اوراق قلمی موجوددر .

اصل بونده جای تأمل و ملاحظه اولان بر قسم مأمورینک اخراجیه مدار معیشتدن محروم ایدلمسی کیفیتی اولدیغندن بونک عرض اولنه حق صورتلرله بر طرف ایدلمسی آساندر .

اولا حق تقاعدی احراز ایدن مأمورین بلا استثنای تقاعدنی استدعایه قومیسین طرفندن مجبور ایدلمیدر ثانیاً مقدار معاشی یوزلالی غروشدن دون اولوبده مدار معیشتدن عد ایدله میه چک اوقاق تفک معاشلی مأمورین لزومی تقدیرنده شرائط لازمه دأره سنده تکرار خدمت دولته آلتیق اوزر بلا قید مأموریتدن عفو اولنلمیدر .

اوقاق و دفتر خاقانی نظارتلرنده و رسومات امانتده مأمورینک اکثریتی بوقبیلنددر . دواړ ساره دده موجوددر .

ثالثاً خدمت دولته انتساب اینچون یکر می یاشنده اولمق شرط اولدیغندن بوسنه واصل اولیانلر حکم نظامه بناً اخراج اولنلمیدر ،

رابعاً مأمورین اجیر خاص صفتی حاز اولدقلری جهتله بر صفت و یا کار و کسب ایله مشغول اولنلر ترک صنعت ایتمدکلری تقدیرده کنلک صراحت نظامیه بناً اخراج اولنلمیدر .

ذکر اولنان مأمورینک چیقارلمسیله دولنجه معاش و تضمینات اعطاسی ایجاب ایتماز بونلر مقتضای نظامدر .

مأمورین موجوده نك همان ربمنی متجاوز اولان بوقبیل مأمورین تفریق اولندقدن صکره قادروسی صور معروضه ایله تعین ایدن دواړده ارباب اقتدار رأس اموره کتور ملک و معلوماتی متوسطه اصحابی ترقیدن محروم ایدلماک اوزره تحقیق قدم و اقتدار و مسابقه امتحانی اجراییله ایجاب ایدن مأمورین و مستخدمین

موجوده دن انتخاب اولمليدر .

شویله که : عینی صنفده بولنلر قدم مأموریتی مساوی اولدینی تقدیرده مکانب عالیہ مأذونلری ترجیح ومتعدد اولدقلری تقدیرده ارالرنده مسابقہ امتحانی اجراسیلہ بویله سبب ترجیح اولمدينی تقدیرده ینہ امتحانہ آیرلمليدر امتحانک شرائط وصور اجرائیہ سی ہر نظرانک ماہیت امورینہ نظراً قومیسون طرفدن تعیین اولمليدر .

بولنلرکده تفریقندن صکرہ خارجده قالہ حق مأموریندن خدمت دولته اہلیتلی اولنلرہ قرار متخذ وجہلہ بر مأموریتہ تعیین اولننچہ قدر وعدم اقتدار ثابت اولوبده مدت مأموریتلری بش سنہ واصل اولنلرہ بیک غروشه قدر معاشک تمامی و بیک غروشدن فضلہ سی ایچون یوزده اون ضمیلہ بش سنہ لکنک بالغ اولدینی مقدار تضمینات اولہرق اعطا ایدلمليدر ذاتاً متوازن بر حالده بولنیان تقاعد نظارتی بودجہ سی دہا زیاده قیاریلہرق معاشاتی تسویہ کفایت ایدہ میہ جکندن بولنلرک تدریجاً محاسنہ قدر خزینہ دن اکمال ایدلمک وتضمیناتییدہ ادارہ سابقہ نک سؤننایچندن اولہرق قبول ایتک ضرورتی درکاردر یاخود عزل ووفات ونحویل مأموریت وقوعندہ جستہ جستہ بودجہ دن چیقارلمق اوزرہ قادرو خارجندہ کی مأمورینک ابقالری ممکندر .

فضلہ مأمورلر دوائر مرکزیہ ده موجود اولوب ولایاندہ امنالی بولنمديقندن تضمینات اعطاسی ایجاب ایدن مأمورین آنحق درت بش یوزدن عبارت اولہجفی ، بولنلرہ ویریلہجک مبالغہ مقدار یکر می ، اوتوز بیک لیرایی تجاوز ایتیمہجکی تخمین اولنمقده در بو مسئلہ نک بودجہ نک تدقیق وتصدیقی اشکال وتأخیر ایتماک اوزرہ شباطک ختامندن اول نتیجہ لنديرلمسی مصلحہ الزم اولدیفندن عرض اولنن نظامنامہ مسودہ سنک مذاکرہ سی مواد مستعجلہ دن اولہرق عرض وتکلیف ایلرز .